



ԵԿԵՂԵՑԱԿԱՆ ԲԵՄ. ԼՈՒՐԵՐ

ՎԵՀԱՓԱՌ ՀԱՅՐԱՊԵՏԻ ՔԱՐՈՉԸ ՄԱՅՐ ՏԱՃԱՐՈՒՄ

Նոյեմբերի 14-ին, կիրակի օրը, Մայր տաճարում, Ավագ խորանի վրա, հավարտ ս. պատարագի, Վեհափառ Հայրապետը քարոզում է նորոգ հանգուցյալ Սովետական Միության նախագահ Լեոնիդ Բրեժնևի անձի և նրա երկար տարիների հայրենասիրական և խաղաղասիրական ծավալուն գործունեության մասին:

Վերջում, Հայոց Հայրապետի գլխավորությամբ, կատարվում է հոգեհանգրստյան կարգ՝ նվիրված Լեոնիդ Բրեժնևի հիշատակին:

*
*
*

Նոյեմբերի 3-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

*
*
*

Նոյեմբերի 4-ին, հինգշաբթի.—Այսօր, առավոտյան, հոգևոր ճեմարանի սաները, տեսչության կապմի գլխավորությամբ, միօրյա արշավի են մեկնում դեպի Գառնի-Գեղարդ:

*
*
*

Նոյեմբերի 7-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ստեփանոս վարդապետ Չաքալյանը:

Հավարտ ս. պատարագի քարոզում է Վեհափառ Հայրապետը՝ «Ուղիղ եղիցին աղօթք իմ որպես խունկ առաջի քո Տէր» (Սաղմոս) բնաբանով:

Վեհափառ Հայրապետը իր քարոզում խոսում է Ռումինիայի հայոց թեմի նախկին առաջնորդ Ս. Հուսիկ արքեպ. Չոհրաբյանի եկեղեցական ու կրթական գործունեության մասին: Որից հետո Վեհափառ Հայրապետի գլխավորությամբ կատարվում է հոգեհանգրստյան կարգ՝ նվիրված երջանակահիշատակ Ս. Հուսիկ արքեպ. Չոհրաբյանի հիշատակին:

Նոյեմբերի 10-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Նոյեմբերի 14-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Չատիկ աբեղա Ավետիքյանը:

Նոյեմբերի 15-ին, երկուշաբթի.—Այսօր Վեհարանում, Վեհափառ Հայրապետի նախագահությամբ, գումարվում է Գերագույն Հոգևոր Խորհրդի նիստը:

Նոյեմբերի 17-ին, չորեքշաբթի.—Այսօր, առավոտյան, Վեհափառ Հայրապետից հրաժեշտ է առնում, Միացյալ Նահանգներ մեկնելու համար, Մայր Աթոռի Գերագույն Հոգևոր Խորհրդի ատենապետ Տ. Սիոն արքեպ. Մանուկյանը:

Նույն օրը, առավոտյան, Վեհափառ Հայրապետից հրաժեշտ առնելով, Ֆրանսիայի Լիոն քաղաք է մեկնում Մայր Աթոռի երիտասարդ միաբան Տ. Չատիկ աբեղ. Ավետիքյանը՝ տեղի համալսարանի աստվածաբանական ֆակուլտետում սովորելու և հայ համայնքին ծառայելու համար:

Նույն օրը, երեկոյան, Վեհափառ Հայրապետի նախագահությամբ, Վեհարանում տեղի է ունենում միաբանական հերթական հավաքույթ, որի ընթացքում Վարդան սրկ. Բաղդասարյանը բանախոսում է «Քրիստոնեության հետքերը Սյունիքում Ա—Գ դդ.» վերնագրով իր ուսումնասիրությունը:

Նոյեմբերի 21-ին կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Նարեկ քին. Մատարյանը:

Հավարտ ս. պատարագի Վեհափառ Հայ-

րապետը քարոզում է «Յիշատակն արդարոց օրհնութեամբ եղիցի» բնաբանով: Վեհափառ Հայրապետը Իր քարոզում խոսում է նորոգ հանգուցյալ, հայ ժողովրդի վաստակաշատ գիտնական Ալեքսանդր Սահիկյանի անձի, նրա մեծ վաստակի ու հայրենասնվեր գործունեության մասին:

Նոյեմբերի 24-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Նոյեմբերի 28-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Ներսես եպս. Պոպպայանը և «Հայր մեր»-ից առաջ քարոզում «Մի երկնչիր, հօտ փոքրիկ, զի հաճեցաւ Հայր ձեր տալ ձեզ վարքայութիւն» (Ղուկ. ԺԲ 32) բնաբանով:

Ս. պատարագի ավարտին, Վեհափառ Հայրապետի նախագահությամբ, կատարվում է Հանրապետական մաղթանք՝ Հայաստանում սովետական կարգերի հաստատման 62-րդ տարեդարձի առթիվ:

Դեկտեմբերի 1-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ, որի ընթացքում Վեհափառ Հայրապետը խոսում է Հայաստանում 1920 թ. նոյեմբերի 29-ին սովետական կարգերի հաստատման նշանակության մասին:

Դեկտեմբերի 3-ին, ուրբաթ.—Այսօր, երեկոյան, հոգևոր ճեմարանում «Լեռնային Ղարաբաղի պատմա-ճարտարապետական հուշարձանները» թեմայով վեկուցում է կարդում կրտսեր գիտաշխատող Ռաֆայել Աբգարյանը: Դասախոսությունն ուղեկցվում էր գունավոր լուսապատկերների ցուցադրումով:

Դասախոսությանը ներկա էր Վեհափառ Հայրապետը:

Դեկտեմբերի 4-ին, շաբաթ.—Տօն Սրբոց Առաքելոցն և առաջին լուսաորջացն մերոց Թադևոսի և Բարթողիմէոսի:

Այսօր Մայր տաճարում, Ավագ խորանի վրա, ս. պատարագ է մատուցում Ս. Եղիշե քին. Բաղրամյանը:

* * *

Դեկտեմբերի 5-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Նարեկ քին. Մատարյանը:

«Հայր մեր»-ից առաջ հավուր պատշաճի քարոզ է խոսում Ս. Հայկապոն արք. Նաշարյանը:

Ս. պատարագին ներկա էր Վեհափառ Հայրապետը:

* * *

Դեկտեմբերի 6-ին, երկուշաբթի.—Այսօր Վեհարանում, Վեհափառ Հայրապետի նախագահությամբ, գումարվում է Գերագույն Հոգևոր Խորհրդի հերթական նիստը:

* * *

Դեկտեմբերի 8-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

* * *

Դեկտեմբերի 15-ին, չորեքշաբթի.—Այսօր, երեկոյան ժամը 18-ին, հոգևոր ձեռնարանում Միքայել Փեշումալյանը դասախոսում է ՍՍՀՄ-ի տարածքում հայկական հոգևոր և աշխարհիկ ճարտարապետական հուշարձանների մասին: Դասախոսությունն ուղեկցվում է գունավոր լուսապատկերների ցուցադրումով:

* * *

Նույն օրը, երեկոյան, Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ, որի ընթացքում Ս. Եղիշե ավագ քին. Սարգսյանը համառոտակի խոսում է Երևան քաղաքի մասին՝ ներկայացնելով նրա պատմությունը սկզբից մինչև մեր օրերը:

* * *

Դեկտեմբերի 19-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Ռումինիայի հայոց հոգևոր հովիվ Ս. Արամայիս արք. Շուկյանը և «Հայր մեր»-ից առաջ քարոզում «Տեր, անսասան պահիր Դու միշտ Քո իսկ հիմնած Մայր Աթոռ» բնաբանով:

Ս. պատարագին ներկա էր Վեհափառ Հայրապետը:

* * *

Դեկտեմբերի 20-ին, երկուշաբթի.—Այսօր Վեհարանում, Վեհափառ Հայրապետի նախագահությամբ, գումարվում է Գերագույն Հոգևոր Խորհրդի հերթական նիստը:

* * *

Դեկտեմբերի 22-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

* * *

Դեկտեմբերի 25-ին, շաբաթ.—Տոն Սրբոյն Ստեփաննոսի նախավայի և առաջին մարտիրոսի.

Այսօր, առավոտյան, տեղի է ունենում հանդիսավոր ժամերգություն:

Ժամերգության ավարտին Մայր տաճարի լուսարարապետ Ս. Հուսիկ արքեպ. Սանթրոյանը, սարկավագական ուրախ տոնի առթիվ, շնորհավորում է Մայր Աթոռի սարկավագներին:

Ժամը 11-ին Մայր տաճարի Ս. Ստեփանոսի խորանի վրա ս. պատարագ է մատուցում Ս. Ստեփանոս վրդ. Չաքայանը և «Հայր մեր»-ից առաջ հավուր պատշաճի քարոզ խոսում:

Հավարտ ս. պատարագի, Ս. Հուսիկ արքեպ. Սանթրոյանի գլխավորությամբ, սարկավագների խումբը այցելում է Վեհարան և ստանում Վեհափառ Հայրապետի հայրական օրհնություններն ու մաղթանքները:

* * *

Դեկտեմբերի 26-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ղևոնդ քին. Հարությունյանը: «Հայր մեր»-ից առաջ քարոզում է Գերմանիայի հայոց հոգևոր հովիվ Ս. Հակոբ վրդ. Գըլլենձյանը՝ «Բնեռեա՛ ի հոգի իմ գտնակալի օր մահուն» (Ընորհալի) բնաբանով:

Ս. պատարագին ներկա էր Վեհափառ Հայրապետը:

* * *

Դեկտեմբերի 29-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ: